

氏族典第六百十五卷

叔帶姓部彙考

凌迪知萬姓統譜

叔帶姓

叔帶嬴姓趙夙字叔帶晉獻公臣以字爲氏

趙城縣志 叔帶姓

叔帶奄父子在周幽王時因不過去周如晉事晉文侯始建趙氏於晉國

叔帶姓部列傳

周 叔帶子莊

按萬姓統譜子莊齊大夫

叔山姓部彙考

鄭樵通志 以名爲氏

叔山氏左傳叔山冉之後莊子魯有叔山無趾

叔山姓部列傳

周 叔山無趾

按萬姓統譜無趾魯人見莊子

叔先姓部彙考 齊大夫

鄭樵通志 以名爲氏

叔先氏後漢書隗爲叔先雄

叔先姓部列傳

後漢 叔先泥和

按後漢書列女傳孝女叔先雄隗爲人父泥和永建初爲縣功曹縣長遣泥和拜檄謁巴郡太守乘船墮湍水物故尸喪不歸雄感念怨痛號泣晝夜因乘小船於父墮處慟哭遂自投水死弟賢其夕夢雄告之却後六日當共父同出至期伺之果與父相持浮於江上郡縣表言爲雄立碑圖象其形

焉

叔達姓部彙考

凌迪知萬姓統譜 叔達姓

叔達八凱叔達之後

叔達姓部列傳

周 叔達段

按萬姓統譜段景王大夫見公羊傳

叔夜姓部彙考

凌迪知萬姓統譜 叔夜姓

叔夜周八士叔夜之後

叔夜姓部列傳

周 叔夜子莊

按萬姓統譜子莊楚康王時人見國語

叔服姓部彙考

凌迪知萬姓統譜 叔服姓

叔服周內史叔服之後

叔服姓部列傳

周 叔服子要

按萬姓統譜子要晉大夫

叔仲姓部彙考

鄭樵通志 以次爲氏

叔仲氏姬姓魯公子牙之後也公孫茲生得臣彭生得臣爲叔孫氏彭生爲叔仲氏

叔仲姓部列傳

周 叔仲會

按史記仲尼弟子傳叔仲會字子期注鄭康成曰晉人索隱曰家語魯人少孔子五十四歲與孔族

年相比二孺子俱執筆迭侍於夫子孟武伯見而訪之

叔孫姓部彙考

廖用賢尙友錄 叔孫姓

叔孫魯公子叔牙之後牙生茲號叔孫因氏

凌迪知萬姓統譜 叔孫姓

叔氏桓公子叔牙之後叔牙飲酖而卒季友爲之立後故以叔爲氏至於得臣則叔牙之孫也故爲叔孫氏

叔孫姓部列傳

周 叔孫得臣

按春秋臣傳叔孫得臣魯卿莊叔也祖叔牙是曰僖叔桓公之子叔牙賜酖死季友立其後爲叔孫氏文公元年天王使毛伯衛來錫公命得臣如周公如晉及晉侯盟晉侯享公賦菁菁者莪莊叔以公降拜曰小國受命於大國敢不慎儀君貺之以大禮何樂如之抑小國之樂大國之惠也晉侯降

辭登成拜公賦假樂十一年鄭瞞伐我冬十月得臣敗狄于鹹獲長狄僑如宣公五年卒子僑如嗣

叔孫豹

按春秋臣傳叔孫穆子僑如之弟叔孫豹也亦曰穆叔穆姜淫于僑如將亂豹奔齊僑如事敗亦奔齊乃召豹于齊而立之襄公四年穆叔如晉報知武子之聘十四年豹會諸侯伐秦及涇不濟叔向見穆子穆子賦匏有苦葉叔向曰苦匏不材於人共濟而已叔向退而具舟遂濟二十四年春穆叔如晉范宣子逆之問焉曰古人有言曰死而不朽何謂也穆叔曰太上有立德其次有立功其次有立言雖久不廢此之謂不朽

叔孫婼

按春秋臣傳叔孫昭子名婼穆叔之庶子也穆叔卒豎牛立昭子而相之昭子卽位朝其家衆曰豎牛禍叔孫氏使亂大宗殺適立庶將以赦罪罪莫大焉必速殺之豎牛奔齊孟仲子之子殺之於塞關之外仲尼曰叔孫昭子之不勞不可能也九年冬築郎囿書時也季平子欲其速成昭子曰詩云經始勿亟庶民子來焉用速成以勸民也無囿猶可無民其可乎二十五年九月公伐季氏季氏伐

公徒公孫于齊昭子見平子曰子以逐君成名不亦傷乎平子曰苟使意如得改事君所謂生死而肉骨也昭子從公于齊與公言公徒將殺昭子公使昭子自鑄歸自是平子有異志十月昭子齊於寢使祝宗祈死戊辰卒

叔孫輒

按萬姓統譜輒魯大夫

漢 叔孫通

按史記叔孫通傳通薛人也秦時以文學徵待詔博士數歲陳勝起山東使者以聞二世召博士諸儒生問叔孫通前曰此特羣盜鼠狗盜耳郡守尉今捕論何足憂二世喜拜爲博士叔孫通迺亡去之薛漢二年漢王從五諸侯入彭城叔孫通降漢王漢王拜叔孫通爲博士號稷嗣君漢五年已并天下諸侯共尊漢王爲皇帝於定陶叔孫通就其儀號高帝悉去秦苛儀法爲簡易羣臣飲酒爭功醉或妄呼拔劍擊柱高帝患之叔孫通知上益厭之也說上曰夫儒者難與進取可與守成臣願微魯諸生與臣弟子共起朝儀上曰令易知度吾所能行爲之於是叔孫通使徵魯諸生三十餘人魯

有兩生不肯行曰公所事者且十主皆面諛以得親貴今天下初定死者未葬傷者未起又欲起禮樂禮樂所由起積德百年而後可興也吾不忍爲公所爲公所爲不合古吾不行公往矣無污我叔孫通笑曰若真鄙儒也不知時變遂與所徵三十人西及上左右爲學者與其弟子百餘人爲綿蕞野外習之月餘叔孫通曰上可試觀上既觀迺令羣臣習肄會十月漢七年長樂宮成諸侯羣臣皆朝禮畢復置法酒諸侍坐殿上皆伏抑首以尊卑次起上壽竟朝置酒無敢譴諱失禮者於是高帝曰吾迺今日知爲皇帝之貴也迺拜叔孫通爲太常賜金五百斤漢九年高帝徙叔孫通爲太子太傅漢十二年高祖欲以趙王如意易太子叔孫通諫高帝崩孝惠卽位徙爲太常

後漢 叔孫光

按後漢書劉般傳般子愷拜太尉安帝初清河相叔孫光坐贓抵罪遂增錮二世覺及其子是時居延尉范滂復犯贓廷議依光比愷獨以爲非先王詳刑之意也有詔太尉議是

叔孫無忌

按後漢書桓帝本紀延熹三年冬十一月太山賊叔孫無忌攻殺都尉侯章十二月遣中郎將宗資

討破之

北魏 叔孫普落

按魏書太祖本紀登國元年春正月以叔孫普落爲北部大人

叔孫建

按魏書叔孫建傳建代人也父骨爲昭成母王太后所養與皇子同列建少以智勇著稱典庶事參軍國之謀隨秦王觚使慕容垂歷六載乃還拜後將軍賜爵安平公後以公事免劉虎等聚黨反太宗假建前號安平公討虎斬首萬餘級除使持節都督前鋒諸軍事楚兵將軍徐州刺史率衆自平原濟河徇下青兗諸郡以功賜爵壽光侯加鎮南將軍建與汝陰公長孫道生濟河而南遂至鄒魯還屯范城世祖以建威名南震除平原鎮大將封丹陽王建沉敏多智東西征伐常爲謀主治軍清整號令嚴明又雅尙人倫禮賢愛士南方憚其威略青兗輟不爲寇太延三年薨時年七十三諡曰襄

叔孫俊

按魏書叔孫建傳建長子俊字醜歸少聰敏年十五內侍左右性謹密初無過行以便弓馬轉爲獵郎太祖崩清河王紹閉宮門俊歸太宗以爲爪牙太宗卽位賜爵安城公朱提王悅懷刃入禁中將爲大逆俊覺悅舉動有異便引手擊之乃於悅懷中得兩刃匕首遂殺之性平正柔和未嘗有喜怒之色忠篤愛厚不諂上抑下每奉詔宣外必告示殷勤泰常元年卒時年二十八贈安城王諡孝元子蒲襲爵

叔孫鄰

叔孫侯

叔孫拔乘

叔孫頭

按魏書叔孫建傳建子俊俊弟鄰襲父爵降爲丹陽公少聰慧出爲涼州鎮大將以貴戚子弟貪財貨專作威福坐伏誅
按魏書子栗磾傳磾子烈長直禁中咸陽王謀反詔烈遣直閣叔孫侯將虎賁三百人追執之
按魏書世祖本紀太平眞君六年十月詔將軍叔孫拔乘傳領攝并秦雍

兵屯渭北

按魏書世宗本紀永平元年八月京兆王愉反九月統軍叔孫頭執愉送信都

唐

叔孫元觀

按萬姓統譜元觀大曆間蕭昕國人

宿勤姓部彙考

鄭樵通志 代北複姓

宿勤氏後魏賊帥宿勤明達

宿勤姓部列傳

北魏 宿勤明達

按周書于謹傳謹從余朱天光平宿勤明達

隋 宿勤武

按隋書豆盧毓傳漢王諒作亂毓與開府盤石侯宿勤武閉城等拒諒

木門姓部彙考

凌迪知萬姓統譜 木門姓

木門宋公子食采木門因氏焉

木門姓部列傳

周 木門子高

按萬姓統譜子高衛大夫

木易姓部彙考

鄭樵通志 代北複姓

木易氏後魏有木易于

木易姓部列傳

北魏 木易于

按萬姓統譜于爲多蘭部帥

氏族典第六百十六卷

獨孤姓部彙考

唐書 宰相世系表

獨孤氏出自劉氏後漢世祖生沛獻王輔輔生釐王定定生節王丐丐二子廣虞虞洛陽令生穆穆生度遼將軍進伯擊匈奴兵敗被執囚之孤山下生尸利單于以爲咎蠡王號獨孤部尸利生烏利二子去卑猛猛生副論副論生路孤路孤生眷眷生羅辰從後魏孝文徙洛陽爲河南令初以其部爲氏位定州刺史永安公生廷尉貞公萬齡萬齡生稽字延平鎮東將軍文公稽生鎮東將軍歸歸生冀

鄭樵通志 代北複姓

獨孤氏本姓劉氏北蕃右賢王之後其先尙公主因從母姓劉氏後漢度遼將軍劉進伯擊匈奴兵敗被執囚之孤山下生尸利單于以爲咎蠡王號獨孤部尸利六世孫羅辰從後魏孝文徙洛陽爲河南人初以其部爲氏姓纂云後魏代北有三十六部有伏留屯爲部大人居於雲中和平中以貴

人子弟鎮武川因家焉伏留屯之後有俟尼生庫者後魏司空生信又高護自高麗歸賜姓獨孤氏
又獨孤楷本姓李氏也

梁肅集 桓州真定縣尉獨孤君墓誌銘

君之先出自劉氏漢世祖之裔有進伯者北征以師敗績降匈奴因部易姓

獨孤姓部列傳

北魏 獨孤伏留屯 獨孤俟尼

按周書獨孤信傳信先伏留屯者爲部落大人與魏俱起 按周書獨孤信傳信祖俟尼和乎中

以良家子自雲中鎮武川因家焉

獨孤庫者 獨孤冀

按周書獨孤信傳信父庫者爲領民酋長少雄豪有節義北州咸敬服之信美容儀善騎射聖光末
與賀拔度等同斬衛可孤由是知名以北邊喪亂避地中山爲葛榮所獲 按唐書宰相世系表

冀字希賢定州刺史

北齊 獨孤永業

按北齊書獨孤永業傳永業字世基本姓劉中山人母改適獨孤氏永業幼孤隨母爲獨孤家所育養遂從其姓有才幹便弓馬被簡擢補定州六州都督宿衛晉陽天保初除中書舍人豫州司馬永業解書計善歌舞甚爲顯祖所知乾明初出爲洛州刺史治邊甚有威信遷行臺尙書河清末徵爲太僕卿武平三年以爲河陽道行臺僕射洛州刺史進位開府封臨川王并州陷爲周將常山公所逼乃使其子須達告降於周周武授永業上柱國宣政末出爲襄州總管大象二年爲行軍總管崔彥睦所殺

獨孤枝 獨孤辟惡

按北齊書馮翊王潤傳潤歷位定州刺史六州大都督獨孤枝竊官田受納賄賂潤按舉其事

按陳書高祖本紀紹泰二年三月齊遣廣州刺史獨孤辟惡等率衆十萬出柵口向梁山帳內盪主黃叢逆擊敗之

北周 獨孤信

按周書獨孤信傳信雲中人也本名如願爾朱氏破葛榮以信爲別將從征韓婁信匹馬挑戰擒賊
漁陽王袁肆周以功拜員外散騎侍郎尋轉驍騎將軍拜安南將軍賜爵爰德縣侯建明初出荊州
防城大都督帶南鄉守頻典二部皆有聲績賀拔勝鎮荊州乃表信爲大都督及勝弟岳爲侯莫陳
悅所害勝乃令信入關撫岳餘衆屬太祖已統岳兵信與太祖鄉里少相友善相見甚歡因令信入
洛請事至雍州大使元毗又遣信還荊州尋徵信入朝魏孝武雅相委任及孝武西遷信單騎及之
於瀘澗進爵浮陽郡公荊州刺史信襲荊州東魏刺史辛纂出戰信都督揚忠等前驅斬纂於是三
荆遂定就拜車騎大將軍儀同三司東魏又遣其將高敖曹侯景等率衆奄至信以衆寡不敵遂率
麾下奔梁居三載梁武帝許信還北拜領軍仍從太祖復弘農破沙苑改封河內郡公除隴右十州
大都督秦州刺史先是守宰闇弱政令乖方民有冤訟歷年不能決及信在州事無壅滯示以禮教
勸以耕桑數年之中公私富實流民願附者數萬家太祖以其信著遐邇故賜名爲信十二年涼州
刺史字文仲和據州不受代太祖令信討尅之擒仲和拜大司馬十四年進位柱國大將軍錄尅下
邊守洛陽破岷州平涼州等功增封第二子善封魏寧縣公第三子穆文侯縣侯第四子藏義寧縣